

靈寶領教濟度金書卷之六十二

發四

靈寶領教濟度金書卷之六十二

發四

洞微高士開光救苦真人竊全真授

靈寶通玄弘教水南先生林靈真編

科儀立成品淨供合用

玄都大獻玉山淨供儀

法事如式

法師長跪上香

具位小兆臣某謹重誠上啓

三清上聖十極高真應化度人無鞅真衆仰

冀隆慈俯垂昭鑒臣聞玄元始炁煥七部之

真風天靈神光敷三乘之德雨慧力下提於  
黑壤慈恩旁浹於黃垓乾炁坤形運神機而  
化育陽經陰緯鼓聖瑟以裁成今古咸資人  
天共仰今有齋主某人徼高玄之聖澤建大  
獻之法筵丹烟遙騰仰荷聖真而日鑒玄釐

發四

一

回施俯徼品類以雲從三途解熱惱之悲六  
趣脫酸辛之苦瓊漿玉饌既承若水之恩琅  
液金膏尤葆如天之賜蓋以業輪旋運窅網  
周羅陰霾久滓於性天昏翳暫迷於心地欲  
復乾坤之本始萬炁齊仙宜資離坎之英華

百神受鍊爰敷萬一敢竭再三重念臣昌運  
天開慶基師闢雲藏風靜凝絳室之金華十日  
飛月奔胤黃房之玉藥策甲丁而消陰試運  
子午以駕陽靈紹經緯之樞機敢云獨善鼓  
玄黃之聖海誓贊同仁茲普鍊於幽靈冀疾  
激於曹局欲望真光遍覆道炁彌綸勅東井  
之仙曹效勤莅職命南宮之神吏勉績承流  
定浮沉於木金辨清濁於水火九還道備精  
神凝玉瑩之玄十轉功成步虛證珠圓之妙  
勃勃俱入眇眇齊升副齋主之丹忱沛元尊

之素澤臣不勝懇切虔祈之至恭伺

天恩潛垂報應

十方靈寶天尊

宣召鍊度官將符

上清靈寶玄壇恭奉道旨謹召朱陵火府火

符四

二

鍊大將軍火鍊靈官南昌上宮鍊度大將軍  
鍊度靈官南昌度命君度魂化形君太冥鍊  
屍君十方猷威大神丹靈大神皓華大神玄  
英大神鍊度大神變神大神復相大神正精  
大神火府大神返形大神返魂大神超生大

神鍊度司主鍊大將軍主水大將軍主火大  
將軍火池神將使者童子火鈴靈童九光童  
子水沼神將使者童子黃華玉女石景水母  
流精玉女青玄黃籙鍊魂官將火鍊童子火  
鍊玉女黃華蕩形玉女黃華冶鍊玉女黃華  
鍊質玉女黃華明眸玉女光容玉女光容童  
子瑩身玉女瑩身童子清神玉女清神童子  
發光玉女發光童子水火交光大將軍水火  
合形大將軍水火聚炁大將軍水火聚神大  
將軍金木鍊形玉女金木合炁玉女九天普

度院火府度亡真人水宮拔亡真人火鍊丹  
界真人水濟無邊真人水火交鍊真人鍊度  
合屬官吏疾速來臨聽候策召切以炁混一  
元高運紫虛之域功該萬有昭羅朱火之曹  
扶帝化翊天機恢神威提地紀旌旄赫奕布

發四

三

聖日於春生劔佩威蕤敷靈風於秋殺權衡  
有賴陶冶無遺今有齋主其人誠罄小心筵  
開大獻承聖真回施之澤恢品類溥度之功  
六趣三途快歆霞饌九幽五苦恣享雲羞更  
期變鍊於陰陽庶俾飛騰於經緯芝頌方域

永停果鬱之寃輪草鞠園扉方契清微之仁  
籥茲也三華鬱秀四氣朗清蓮座浮空仰千  
真而監度蘭場顯設徼萬類以回靈願沛雨  
露之恩式闡日星之令指揮西坎建寶井以  
輝輝嘯命東離立神庭而燦燦黃華降結璘  
之粹炎光流鬱儀之精九鳳徘徊還陽靈於  
萬劫五龍奮迅澄陰翳於千齡永辭金剛之  
塵均賴玉隆之會皈心切切同命拳拳玉清  
洞章謹當宣告

火鍊丹界天尊



宣混洞赤文章

元始開運

太玄肇靈

虛極无象

一炁流形

化生二景

五緯凝精

混合自然

坦除結嬰

總真布焰

煥赫九清

炎持廓奕

七紀齊并

祈師盧浩

丹天耀精

朱光鍊度

赤藹散明

三華鬱秀

耀映帝宸

黃華蕩形天尊

天生水而歸一圖位子而配坤先建水池胞

合造化謹請靈寶玄局主水仙靈官吏隨我

神運變化水池普為幽魂沐塵蕩質

黃華蕩形天尊

宣主水大將軍符

陰精運化 神津灌玄 黃華東井 攝靈聚仙

玉清告命 萬神昭宣 飈輪下降 流灑雲泉

遊爽受鍊 返魂更生

發四

黃華蕩形天尊

宣建水池符

金醴玄津 森羅淨露 玉龍灌溉 水池映真

滌垢豁塵 萬炁齊新 大道宣化 壬癸流形

陰光浩湛 飛鍊魂形

黃華蕩形天尊

宣月魄符

黃精啓輝

元音內章

映觀太玄

開洞萬方

散蔚寒飈

七晨玄朗

圓明遊耀

浮華九空

五帝夫人

躡雲挹風

流霞八素

返形易容

注炁東井

天河灌芒

幽靈受化

神景敷張

黃華蕩形天尊

宣降真水符

太玄含化

八景齊并

五老祕諱

太陰通明

璇璣運轉

招真致靈

陰光降炁

變鍊鬼魂

天漿下注 流濯利貞

黃華蕩形天尊

宣真水合同符

石景水母

圓光曜華

金門降醴

天人揚歌

長庚吐輝

五龍負河

流英降炁

玉津同符

登四

鍊度生仙

乘景太无

靈池无鏡

陰精飛羅

黃華蕩形天尊

地生火而居二圖位午而配乾次建火池胞

合造化謹請靈寶玄局主火仙靈官吏隨我

神運變化火池普為幽魂鍊神陶炁

宣主火大將軍符

閻浮玉誥 洞妙自真 炎熾丹天 晃朗朱陵

玉清告命 萬神敬聽 降司離化 配合日星

幽微鍊化 飛騰玉京

玉眸鍊質天尊

宣建火池符

南方陽靈 丹精大神 降炁變易 流火神庭

炎輝瑩徹 赫曦精炁 亡魂鍊質 迴骸返嬰

金光照耀 上宴玉清

玉眸鍊質天尊

宣日魂符

赤爐丹景 圓華九明 太輝啓晨 煥耀朱精  
五帝肇霞 洞映萬生 金鳥揚彩 散光九靈  
扶桑駕燧 絳雲敷平 紫霞鬱映 珠貫飛星  
流注真炁 丕朗南陵 爽幽灌景 碧落高澄

玉眸鍊質天尊

宣降真火符

丹精南映 九鳳乘陽 丙丁委炁 乾坤施張  
鬱儀降化 左揖同梁 樞機周密 擲火飛揚  
冶鍊離貞 更生福鄉

玉眸鍊質天尊

宣真火合同符

朱明上景 熒星騰輝 太陽洞耀 離光赫燁

中有赤帝 凝靈太微 神真散炁 妙契天機

返生起死 玉眸仙飛 朱陵度命 萬炁敷施

發四

六

玉眸鍊質天尊

炎輝左煥素精右騰象日月之離羅靈光照  
耀宛風雲之涵藹梵炁飛旋神真上下以宣  
勞仙聖往來而效績執籙把籍鼓節揮幢宜  
檄召於群靈俾證臨於普鍊守雄抱雌二大

將各按所部部衛幽魂旅進壇前伺候受鍊

水火鍊形天尊

引籙詣座前

宣引魂入鍊符

衆誦青玄凝真導魂章

玉京萬法大羅尊

千重寶梵億玄言

碧霞絳雲列衆道

玉闕金閣敷真文

偃定高真遊至空

八極飛神度無邊

鬱鬱昭昭萬炁中

吐聲如嬰炁成紋

振動梵炁是空道

靜明法耀擁慈雲



超闢昏衢北羅艷  
列上金簡還靈明

炎炎火池成清涼  
解刃挫鋒悉摧紛

豁散業境空法力  
保召罪性來吾壇

天尊聖濟本無際  
萬天萬地承真元

莫有不從不化度  
超凌三界佐虛玄

發四

隨心所召願心歸  
仙信梵音如甘泉

一聞百骨解熱惱  
朱陵開度成至玄

超凡大道入慈悲  
不濯巨細惟翩佺

華夏泠泠引汝魂  
逍遙獨步紫虛天

對天誓水火鍊形天尊  
前跡幾回金門

接天潢於瑤圃烝貫方諸招熾阿於金門光  
凝華蓋可澄翳垢俾返虛靈謹請靈寶玄局  
水鍊仙靈官吏隨我神運引領幽魂入赴水  
池依科受鍊

宣水鍊符

引旛挿水池中

北方黑帝 騰光紫微 壬癸正炁 玄武凝輝  
鍊形淪垢 肅肅神儀 惡根化消 結節清夷  
混合升度 逍遙陽扉

黃華蕩形天尊

宣月華符

黃炁陰華 玄精固仙 輝光洞照 散耀八圓

石景玉女 降靈鍊魂 九空澄湛 萬竅節宣

洗灌宿垢 飛躡天根 士發五炁 玄炁鍊鍊

黃華蕩形天尊

宣月簡符

玉胎鍊仙 結璘飛英 圓光散輝 變鍊幽靈

九陰齊化 流芳耀形 內外瑩徹 飛觀紫庭

尸累清蕩 天靈節榮

黃華蕩形天尊

宣真水鍊形符

陰精凝化 東井靈源 天河灌沐 清水度魂

飛英玄華 陶沐霑塵 宮室鮮潔 臟腑還靈

胞胎結節 離合自然 金童玉女 流香濯津

蘭池鍊浴 身登玉宸 遊觀太空 億劫無傾

符四

黃華蕩形天尊

宣黃華蕩形符

東井黃華 石景玉精 飛玄水母 金醴玉津

滔滔源源 不竭池亭 九龍吐灌 三光垂精

仙人吐潤 鍊度幽靈 內外朗徹 表裏洞清

百關九竅 元炁滋榮 經絡臟腑 萬神自生

胞胎結節 隨水開局 死炁斷絕 惡根沉零

我今鍊化 死骸生魂 返故易貌 玉體金容

變化鍊度 飛升紫庭

黃華蕩形天尊

宣太玄陰生符

先天自然 凝華會靈 陰零陽消 奔飛萬神

壬癸祖炁 生魂育嬰 神合炁合 鍊景還形

躡雲嘯朗 結璘齊弁 遊行玉光 天地無傾

黃華蕩形天尊

宣水鍊變仙符

長生大君 鍊形還真 白元聚魄 无英拘魂

太一總御 司命保生 桃康合延 變化九陰

制鍊元精 玉體金嬰 七世尸穢 嚴潔芳馨

甲乙丙丁 壬癸庚辛 戊己沖和 造化發榮

養四

九

乾施坤運 八素圓晨

黃華蕩形天尊

右丁左丙運胎水以靈靈地緯天經返真源  
而湛寂陰氛永蕩陽華更生宜灌溉於五芽  
可光明於萬體謹為攝降東方青芽朝華之

炁南方朱丹凌霞之炁西方白石玉醴之炁  
北方玄滋瓊飴之炁中央琳華醴泉之炁流  
布五臟輝潤三田俾靈關洞清華池澄湛

宣五芽符

九炁青精 肝魂衛生 三炁丹華 心神輝明

七炁素液 肺魄調寧 五炁玄津 腎精攝英

一炁黃胎 脾意流榮 帝一尊君 握靈萬神

五內鮮泰 回真固嬰 得成胎仙 逍遙上清

五靈升舉天尊

水鍊周圓玄恩昭曠謹請主水仙靈官吏部

領幽魂普出水池伺候火鍊

水火鍊形天尊

引幡出水池外

瞻絳華於炎闕烝藹丹陵揖羲御於青幾光  
騰陽燧可陶業累俾證清虛謹請靈寶玄局

火鍊仙靈官吏隨我神運引領幽魂入赴火  
池依科受鍊

宣火鍊符

引幡插火池中

南方炎帝 凝精太微 丙丁正炁 朱雀騰輝



丹鳳流響 朱煙散飛 融英降杰 冶鍊陰儀

流汨之沼 丹陵耀離

玉眸鍊質天尊

宣日精符

炎精凝圓 絳光流鮮 九龍策駕 擲火揚前

發四

十

朱明散輝 陶鑄胚暉 陰靈鍊翳 胎根潛蠲

身飛玉都 永周劫年

玉眸鍊質天尊

宣日簡符

鬱儀朗照 六合洞明 攝幽開光 流華飛英

紫赤龜象 丹霞鍊形 九葉寬障 鎔化无生

陽神聚景 受書朱陵

玉眸鍊質天尊

宣真火鍊形符

炎神散精 八冥流光 圓靈正炁 符合天陽

注英丹池 鍊治玄黃 幽爽飛化 百骸乘芳

玄祖易質 太虛飛翔 六府返炁 三宮運芒

群陰震伏 尸根滅張 熒星轉燭 出入禍鄉

玉眸鍊質天尊

宣玉眸鍊質符

流火鍊質 玉嬰返形 九陽施化 五神合靈

南離正炁 上貫朱陵 左命飛火 右嘯炎精

南闔洞浮 太微神庭 飛英聚炁 攝陰返生

真火陶鍊 形神肅清 罪翳消滅 冤債和平

經絡臟腑 元陽敷榮 魂魄關節 一時回靈

改除故貌 萬竅光明 永離冥鄉 乘化霄征

壽均天地 億劫無傾

玉眸鍊質天尊

宣太玄陽生符

太陰鍊形 太陽回靈 幽尸沉翳 受陽之精

元炁重敷

攝歸萬神

百骸復故

五臟錄真

榮衛鮮暢

魂魄還明

周旋生門

高奔帝晨

玉眸鍊質天尊

宣火鍊變仙符

務猷運化

鍊質成神

皮膚毛髮

肝神含明

耳目鼻口

心神守靈

筋骨牙齒

肺神虛成

孔竅精液

腎神育嬰

內外榮衛

脾神魂停

十千羅絡

陰極陽生

洞陽火鍊

玉胞金晶

得為真人

躡景神庭

玉眸鍊質天尊

右壬左癸運胎火以輝華陽耀陰靈陶生根  
而洞朗頓消地累式遂天游更灌注於九陽  
庶澄凝於億劫謹爲攝降一陽混溟瑋瑤之  
炁二陽泛華紫微之炁三陽天婁鳳車之炁  
四陽中女辟邪之炁五陽太皇微延之炁六  
陽化真白灑之炁七陽絳實子光之炁八陽  
天真命仙之炁九陽太皇家寂照之炁流布百  
脉充盈萬關俾妄陰永消真陽益固

宣九陽符

太極金書

九陽玉文

混茫祖炁

輝煥天根

圓靈高淸 扶搖玄煙 迴風下映 五色飛鯨

灌瑩內外 洞入自然 經絡堅實 臟腑生全

大帝有物 返陰還乾 群靈受度 六景芝田

九陽生化天尊

火鍊周圍 洪慈浩蕩 謹請主火仙靈 官吏部

發四

十二

領幽魂 普出火池 伺候交鍊

水火變形天尊

引旛出火池外

實離虛坎 昭水火 媁粹之精 降乾升坤 闡陰

陽鍊胎之妙 為混凝而備質 可妙合以成人

謹請靈寶玄局水火鍊度仙靈官吏隨我神  
運引領幽魂水火交鍊

水火變形天尊

引籙挿水火池之間

宣水火交鍊符

坎升離降

虎走龍奔

天一地二

子午胎仙

南樞北機

烏兔遶籙

黃華逆飛

炎光下傳

周迴九六

普鍊無邊

太極真炁

還合乾坤

九轉神化

飛升自然

水火變形天尊

宣金液鍊形符

金液鍊形 與道合真 開明三景 是為天根

無幽無極 无始无終 元皇九醜 靈魔絳宮

紫雲飛天 身乘六龍 水上火下 流入三宮

神歸陽明 大道自通

回形轉化天尊

宣回尸起死符

靈芝無根 衆化之原 中凝七魄 上結三魂

二十四真 出入無門 杳冥之內 恍惚之中

隨劫存亡 逃无而生 外凝混朴 內養七經

發四

十三



五神植華 三台敷榮 紫闕素童 返形歸英  
騰雲而升 騁霧浮空 中有玉真 號曰神公  
左挾无英 右衛白元 玄獸過後 丹禽導前  
上浮翠華 下擁金蓮 香炁凝空 甘露無窮  
食之無盡 尋源不終

回形轉化天尊

宣百神混合符

千和萬合 自然成真 真中有神 長生大君  
无英公子 白元尊神 太乙司命 桃康合延  
執錄把籍 保命生根 上游上清 出入華房

八冥之內 細微之中 下鎮人身 泥丸絳宮  
中理五炁 混合百神 十轉迴靈 萬炁齊仙  
仙道貴生 無量度人 上開八門 飛天法輪  
罪福禁戒 宿命因緣 普受開度 死魂生身  
身得受生 上聞諸天 諸天之上 各有生門

全形復性天尊

換紅旛

二景飛華已瀾幽陰之死炁九霄胤粹方還  
本始以生神宜端傾日之恭期拜發煙之惠  
各嚴容止當為啓聞謹請靈寶玄局主鍊仙

靈官吏引領幽魂隨我神運詣九天壇伺候  
玄恩一時生神

九天生神天尊

引籙詣九天壇

臣謹重誠上啓

發四

十四

九天生神上帝恭望洪慈曲旌丹悃伏聞鴻  
濛无象三元潜育物之功溟滓生精九炁煥  
結形之妙若稽寶笈肆演瓊科流水之精鍊  
而爲胞灼火之明鍊而爲胎乘木之真鍊而  
爲魂柔金之形鍊而爲魄合土之英鍊而爲

臟致坎之靈鍊而爲腑昭離之精鍊而爲竅  
激震之聲鍊而爲景和允之榮鍊而爲神凡  
斯玄微亶繇索籥今有齋主某人修奉玉山  
淨供回施萬類普濟三途饗乾坤之瓊羞膺  
坎離之玉鍊飢渴允濟形魂潔清然念乂隔  
陽靈致五行之蕩失猶縈陰累恍萬炁之飛  
奔死骸雖還生神莫備匪賴蒼赤青綠黃白  
紫碧黑之神輝纏絡曷俾胞胎魂魄臟腑竅  
景神之靈彩周圓願沛天恩俯提地夾黃房  
斷死密符敬唱以回靈紫戶生仙昭邁劫年

而御景皈心真切拜手勤渠恭後慈悲洞垂  
鑒映

九天生神天尊

謹上請鬱單無量天帝真胞命元元一黃演  
之炁九重下降為受鍊幽靈纏其胞使胞元  
宣通上徹於天以生成

卷四

十五

宣開陽生神寶符

混合空洞炁 飛爽浮幽寥 延康無期劫

眇眇離本條 苦魂沈九夜 乘晨希陽翹

太有通玄戶 鬱單降神霄 黃雲凝靈府

陰陽炁象交

胞元結長命，惡根應化消。

桃康合精延

二帝秀玉飄，灌溉胞命門。

精練神不凋

九天命靈章，生神神自超。

元君遏死戶

司馬誦洞謠，一唱萬真和。

九遍諸天朝

稽首恭劫年，慶此榮舊苗。

謹上請上上禪善无量壽天帝真胎命元洞

冥紫戶之炁九重下降為受鍊幽靈纏其胎

使胎結解根下響於地以固靈

宣明陽生神寶符

無量結紫戶

炁尊天中王

開度飛玄爽

凝化輪空洞

故根離昔愛

緣本思舊宗

幽夜淪遐劫

對盡大運通

帝真始明精

號曰字元陽

嬰兒史伯原

結胎守黃房

斬根斷死戶

熙願養嬰童

禪善導靈炁

玄哺飛天芳

華景秀玉質

精練自成容

務玄育上生

羅列備明堂

太虛感靈會

命我生神章

一唱動九玄

二誦天地通

混合自相和

九遍成人功

大聖慶元吉

散華禮太空

諸天並歡悅

一切稽首恭

謹上請梵監須延天帝真魂命元長靈明仙

之炁九重下降為受鍊幽靈纏其魂使魂門  
通神以達精

宣始陽生神寶符

須延總三雲 玄元始炁分 落落大梵布

華京翠玉尊 明梵飛玄景 開度長夜魂

四

十六

遊爽赴期歸 炁炁返故根 太帝號陽堂

字曰八靈君 九關回綠道 胎炁生上元

陵梵度命籍 太一輔精延 泥丸敷帝席

三部八景分 魂生攝遊炁 九轉自成仙

琅琅九天音 玉章生萬神 三徧列正位



炁參八辰門

玄關遏死戶

靈鎮津液源

應會感靈數

明道潛回輪

慶此嬰兒蛻

稽首讀洞文

謹上請寂然兜術天帝真魄命元礪尸冥演

由之炁九重下降為受鍊幽靈纏其魄使魄

戶閉關天王降仙以安寧

宣太陽生神寶符

寂然無色宗 兜術抗大羅 靈化四景分

萬條翠朱霞 遊魄不顧返 一逝動群魔

神公攝遊炁 飄飄練素華 榮秀椿劫期

乘運應靈圖

空洞生神章

瓊音逸九霞

一唱萬真會

騫爽合成家

九轉景靈備

鬱鬱曜玉葩

兜術開大有

一慶享祚多

上聖迴帝駕

嬰兒歛以歌

不勝良辰會

一切稽首和

發四

十七

謹上請波羅尼密不驕樂天帝真臟腑命元

五仙中靈之炁九重下為受鍊幽靈纏其五

臟使五臟納津五帝朝真以存神

宣上陽生神寶符

翻翻五帝駕

飄飄玄上門

遊步黃華野

迴靈驕樂端 採集飛空景 舊爽多不存

太微迴黃旗 無英命靈樞 攝召長夜府

開度受生魂 公子輔黃寧 總錄具形神

玉章洞幽靈 五轉天地分 炁鍊元臟腑

紫戶自生仙 數周衆真會 啓陽應感繁

玉女灌五香 聖母慶萬年 三界並歡悅

稽首禮天尊

謹上請洞元化應聲天帝真靈府命元高真

沖融之炁九重下降爲受鍊幽靈纏其六府

使六府調泰胃筦生津以納和

宣元陽生神寶符

應聲無色界 霄映冠十方 迴化輪無影

冥期趣道場 靈駕不待轡 朗然生神章

空洞諒无崖 玄爽亦為疆 鍊胎返本初

長乘飛玄梁 蘄畜喪天真 散思候履常

斬伐胞樹滯 心遊超上京 願會既玄玄

悟我理兼忘 介福九天端 交禮地辰良

混化歸元一 高結元始王 稽首傳靈運

長謝囂塵張

謹上請靈化梵輔天帝真元府命元高仙洞

笈之炁九重下降為受鍊幽靈纏其九竅使  
九竅開聰星辰朗明以開通

宣正陽生神寶符

玄會統無崖 混炁歸梵輔  
潛推無寒暑 乘數構貞條  
務猷運靈化 振袂拂輕羽

發四

十八

瓊房有妙韻 汎登高神所  
真仙森列序 上上霄衢邈  
秀葉翳翠霞 停陰清泠渚  
繁想嘯明侶 五難緣理去  
爽魂隨本根 疊疊空中佇  
圓輪無停映 洞元深萬巨  
衝心自怡處 七誦重關開

豁滯非神武

運通由中發

高唱稽首舉

謹上請高虛清明天帝真華府命元真靈化  
凝之炁九重下降為受鍊幽魂纏其八景使  
三部八景整具形神幽夜光明以防身

宣通陽生神寶符

清明重霄上

合期慶雲際

玉章散沖心

孤景要靈會

煥落景霞布

神衿靡不邁

玉條流逸響

從容虛妙話

靈音振空洞

九玄離幽裔

感爽無凝滯

去留如解帶

明識生神章

高遊無終敗

玄景曜雲衢

跡超神方外 應感無方圓 聊以運四大

研心稽首誦 衆聖共稱快

謹上請无想无結无愛天帝真嶽府命元自

然玄照之炁九重下降為受鍊幽靈纏其身

使三關五臟六腑九宮金樓玉室十二重門

發四

十九

紫戶玉閣三萬六千宮府三千六百機關根

原本始一時生神使萬神具備毛髮生身諸

天下臨以得生

宣萌陽生神寶符

无結固无情 玄玄虛中澄 輪化無方序

數來亦巨乘 誰云無色平 峨峨多丘陵

冥心縱一往 高期清神徵 良遇非年歲

劫數安可稱 浮爽緣故條 返胎自有怕

靈感洞太虛 飛步霄上冰 津趣鼓萬流

潛凝真神登 无愛固无憂 高觀稽首昇

九天稱慶天尊

九炁具足萬景光輝提陰關既死之形還陽

景始生之性法身微妙道體希夷行正步於

虛无永超神於寥廓宣由陶冶莫罄載銜宜

遡圓清端誠禮謝



九天稱慶天尊

九鍊功成萬緣塵散形神疏淪已照備於儀  
容氣象粧嚴更簪飾於冠帶謹召靈寶玄局  
巾笥司靈官攝化司靈官疾速赴壇隨我神  
運再爲幽靈整潔衣冠欣慶受慶

宣天皇象符

太上初炁混陰陽 水火既濟方玄黃  
鍊質玉容合仙品 飄飄飛步遊仙鄉  
滓穢消除神明清 霞衣錦佩光琳琅  
靈寶通玄无上聖 開度功德不可量

一聲玄梵徹三界  
綿綿道德生仙鄉

逍遙快樂天尊

見前衆靈乘清微三華之耀沐妙嚴百寶之  
輝解脫幽關來臨陽境蓮燈晃朗發性海之  
真光芝饌森羅慰心田之妄想水火鍊而百

發四

二十

關月皎衣冠備而五體春融濟濟在庭雍雍  
就列膺今時之快樂諒已歡顏思昔日之幽  
寥不堪回首便當直截返照猛省內觀心中  
之枝葉都捐性裏之根芽獨露一得永得道  
遙無何有之鄉豈不快哉更伺戒演九真錄

頌三洞仗真靈而證度役將吏以衛真高步  
綠羅超棲碧落珠環誠罄酬天尊開度之恩  
琚玖恍殫副齋主懇祈之願守雄抱雌二大  
將各按所部部衛幽魂來詣壇前聽宣妙戒  
億劫應化天尊

引旛詣法師座前

智慧頌

智慧生戒根 真道戒為主 三寶由是興

高仙所崇受 汎此不死舟 倏忽濟大有

當此說戒時 諸天來稽首

智慧起本无

朗朗超十方

結空峙玄霄

諸天挹流芳

其妙難思議

靈感真容通

有有竟無有

無無無不容

智慧常觀身

學道之所先

眇眇任意肆

自然錄我神

天尊常擁護

魔王為保言

發四

二十一

晃晃金剛體

超超太上仙

道生一而分三曰大曰人曰地人合三而成

一惟精惟炁惟神炁稟陽而符天精形秉陰

而契地粹神以御炁神存而炁亦存炁以留

形炁散則形亦散其生也炁與形會神入而

爲主宰其死也形逐炁亡神出而返虛空有  
善業則神升九天有惡業則神降九地雖炁  
有陰陽之間形有升沈之殊而神往來其間  
苦樂互膺未始頃刻停閑也神之爲神沖虛  
妙粹炳煥靈明未有五太之先此神已具縱  
歷億劫之後此神不亡特受中降靈爲物所  
誘因物造業爲形所累致有善惡之判譬猶  
曉鏡凝塵秋雲蔽月其中光明瑩徹未嘗因  
之加損也見前衆靈受報萬類反觀本始俱  
稟沖和孕形炁而爲人配天地而並立元神

宴御與道合真奈何形墮物遷神逐業化輪  
轉六道循環四生不覺不思愈趨愈遠流蕩  
汨沒業實縈之茲也供設玉山恩頒  
金闕善道乘光而至惡道破暗而來聽法聞  
經饗食受鍊雖形散爲炁炁聚爲形而所以

駕是形御是炁者匪神孰能爾哉是則暫爲  
昏昧爲異趣周流而本來昭昭未嘗不在也  
盍亦乘本來之昭明覺暫時之昏昧自天道  
來者當思快樂福報會有盡時終受沈溺散  
入諸趣不可貪歡悅而溷我神也自神道來

者當思福善禍淫寧無僭濫報盡淪墜易墮  
畏途不可恃權柄而汨我神也自人道來者  
當思世諦虛偽業機攸啓生滅既速途苦易  
趨不可慕紛華而滓我神也自地獄道來者  
當思夙業愆累致膺苦惱幸離幽暗宜脫輪  
發四  
迴不可圖逸樂而蔽我神也自餓鬼道來者  
二十二  
當思惡業久纏今受飢渴幸諧飽滿宜脫輪  
迴不可因飲食而累我神也自畜生道來者  
當思冤對執縈致墮異類幸離惡趣宜脫輪  
迴不可羨人天而迷我神也蓋修善修惡均

謂之業生地生天均謂之報善多惡少則準  
量而報餘善惡多善少則權衡而報餘惡業  
盡報盡然後復爲人耳人爲善惡之關從茲  
展轉百千萬劫無有已時而我固有之神爲  
業所牽奔善馳惡曾無寧息豈不大可憐哉  
孰若澄心獨悟見性惟思生善道者毋以善  
道爲可恃須知惡道之終在生惡道者毋以  
惡道爲可慕須知惡道之常隨絕去二邊自  
明一見不思善不思惡靜極光通達寂照含  
虛空惟覺我之元神本來清靜若定水之無



波本來光明若秋空之無翳靈明瑩徹朗覺  
妙圓然後以茲清靜光明之神悟彼真常空  
寂之性近觀諸塵塵塵何有諸塵無有業報  
自空業報既空六道亦無六道既無輪迴自  
息輪迴既息一真獨存無去無來不生不滅

發四

二十三

蕩蕩乎與太虛同體矣回思向者天堂快樂  
地獄辛酸人境寵榮旁生悲苦如夢之覺如  
醉之醒曾何足以滓吾天倪哉見前衆靈若  
能從茲解悟便可升入道境洞徹自然天地  
有終此神無弊劫運有壞此神長存倘有无

之見未明真妄之機莫悟惟愚執着終墮輪  
迴帝澤難逢宸恩不再良可哀哉昔我

元始上帝憫衆生之愚昧說九戒之圓通正  
己正心檢身檢性善根已熟者以戒護衛愈  
增光明惡根未消者以戒禁防自然滅斷實  
昏衢之慧燭乃苦海之慈航生前修持不經  
地獄身後佩奉徑上天堂今當恭按科儀普  
爲演說先皈依於

三寶名號次宣示於九真戒條萬聖證明十  
真鑒察各宜端肅諦聽無諱

道經師寶天尊

按人名恭信

宣告幽靈第一皈依

无上道寶

道寶讚

稽首皈依道大羅元始尊杳冥開祖劫混沌  
立天根願垂清靜法開度此幽靈和往生神  
仙界

宣告幽靈第二皈依

无上經寶

經寶讚

稽首皈依經真文煥八方鍊金成鳳篆揉玉  
寫龍章願垂清靜教開度此幽靈和往生神  
仙界

宣告幽靈第三皈依

發四

二十四

无上師寶

師寶讚

稽首皈依師慈悲轉法輪先天傳大教歷劫  
指迷津願垂清靜法開度此幽靈和往生神  
仙界

三寶既已皈依九戒今當傳授

大慈說戒天尊

北帝頌

善哉元始尊 衆生慈父母 傾光紫微宮

曲映九幽戶 戔戔丘寒庭 回照廓冰浦

炎炎烈火獄 沛然灑法雨 圓通大哀智

常善濟衆苦 拔度長夜魂 今得稽首禮

宣告幽靈第一戒者敬讓孝養父母是名

宣初真戒

宣告幽靈第二戒者克勤忠於君主是名

念真戒

宣告幽靈第三戒者不殺慈救衆生是名

持真戒

宣告幽靈第四戒者不淫正身處物是名

守真戒

發四

二十五

宣告幽靈第五戒者不盜推義損己是名

保真戒

宣告幽靈第六戒者不嗔凶怒凌人是名

修真戒

宣告幽靈第七戒者不詐諂賊害善是名

宣成真戒

宣告幽靈第八戒者不驕傲忽至真是名

宣得真戒

宣告幽靈第九戒者不二奉戒專一是名

宣登真戒

奉戒頌

道為无心宗 一切作福田 立功無定準

本願各由人 虛己應衆生 注心莫不均

大聖崇正教 亦由兩降天 高陵靡不周

常卑故成淵 海為百川王 是能含龍鱗

萬劫保智用 豈但在厥年 奉戒不暫虧  
世世善結緣 精思念大乘 會當體道真  
三寶瓊號曠劫難聞九真金條歷生罕遇對  
聖真而傳授伏仙聖以護持各宜淪性書紳  
澄心弦佩如拱尺璧靡造次之或謖如護寸  
珠匪斯須之敢叛戒光映體戒體回光五帝  
威神六宮掾吏察命童子護戒威神密侍衛  
其形神潛翊扶其容止永辭有漏升入無爲  
勿生懈怠之心自速輪迴之苦以今雲笙韻  
徹風磬聲沉螭頭回芝蓋之班鵲尾散蘭篝



之篆生神事畢溥蒼蓋以滌恩結炁功圓挾  
黃輿而均慶神公趣凌霄之駕靈童催汎景  
之輪各宜莊肅五神澄清一志佩符受券得  
為天上之種民御錄膺圖永證玄中之極品  
仰希大道俯賜證明

卷四

二十六

宣救苦簡

長生簡

宣生天錄

九龍符

宣大九龍符

超生符

宣妙戒牒

功德牒

宣朱陵符

普度券

宣運明誥

托生符

參鳳戒以逍遙精神瑩朗佩龍符而容與步  
武輕盈伏願一性圓明千緣蕩寂寶光煥映  
復五行相續之真祖炁輝華會萬劫長存之  
道此乃箇中固有不須向外別求徑乘不死  
之舟高宴无生之界功德錯落幽顯沾資伺  
召役於真靈關盟護送方部衛於神炁如律  
超凌更冀從容庶諧圓滿

寶華圓滿天尊

臣謹重誠上啓

三清上聖十極高真應化度人無鞅數衆臣  
聞丹元凝妙握萬化之神樞皇極流玄恢五  
華之聖籥寂感密符於谷應潛昭默契於桴  
鳴匪降匪升無內無外臣等依光紫禁煥景  
黑單荷鴻造之提携副蟻忱之激切恩流有

發四

二十七

截澤被無垠瞻獅座於玄峰慶雲飛灑返猊  
輪於紫谷慧日虛圓臣下情不勝瞻戀屏營  
之至謹稽首奉送

迴輶五雲輿

騰駕九章歌

倏忽冲天遠

迴輶五雲輿

醮壇香炷多

玄恩罩宇宙

福德遍山河

緬想神仙路

逍遙上大羅

謹召九天普度院守雄抱雌二大將青玄黃  
錄溥度司太玄靈官玉女功曹主簿本靖主  
將其副將其護道其監壇其關同靈寶赫奕  
仙曹諸將疾速赴壇承領公文隨我神運部  
衛諸類幽魂平步登天

宣防送牒

宣命魔前驅符

見前衆靈膺開度之殊恩登玄虛之妙境天

花散漫擁雲路以前迎神璈鏗鏘開霄衢而  
後從寶蓮道等升天之履靈芝華藹景之冠以  
神御神神徑登於寥廓以炁合炁炁永證於  
虛无再拜玄壇相將好去

當職執幡請五方童子引靈出門前

法師下座

衆諷三界魔王章

宣給散牒

焚燎向來

寶華圓滿天尊


歸靜默堂

靈寶領教濟度金書卷之六十二



長四

八



3